

SINDIKAT BH TELECOMA
SARAJEVO

broj: 10-02/03

Na osnovu člana 53 Statuta Sindikata BH Telecoma, Centralni odbor Sindikata BH Telecoma na svojoj sjednici održanoj dana 18.02.03.g. donosi

O D L U K U

o organizaciji i načinu rada Sindikata BH Telecoma i njegovih tijela

član 1

Sindikat BH Telecoma (SBHT) je udruženje u koje su udružene Osnovne sindikalne organizacije (OSO) u direkcijama BH Telecoma :

- Bihać
- Generalna direkcija
- Goražde
- Mostar
- Sarajevo
- Telecom inženjering
- Travnik
- Zenica
- Tuzla

član 2

OSO mogu se organizovati putem podružnica ukoliko će OSO bolje funkcionisati, zbog lokacijske razućenosti.

član 3

Tijela SBHT su:

- Skupština
- Centralni odbor
- predsjednik

- sekretar
- Nadzorni odbor
- Statutarna komisija
- Sekcija žena
- Sekcija mladih

član 4

Skupština je najviše tijelo SBHT .
Skupštinu čine predstavnici OSO izabrani u OSO, a na osnovu Pravilnika o izboru i izbornom postupku.

član 5

Centralni odbor je najviše tijelo SBHT između dvije Skupštine.
Centralni odbor radi na sjednicama, te donosi Poslovnik o radu CO i njegovih tijela.
Centralni odbor zasjeda najmanje 4 (četiri) puta godišnje.
Centralni odbor čine predstavnici OSO izabrani na način kako je regulisano Pravilnikom o izboru i izbornom postupku.
Rad CO je usklađen sa Statutom SBHT.

član 6

U SBHT postoje dvije profesionalne funkcije i to

- predsjednik SBHT
- sekretar SBHT

Navedeni poslovi se obavljaju profesionalno u punom radnom vremenu.

član 7

Predsjednik SBHT predstavlja i zastupa SBHT.
Predsjednika SBHT bira Skupština.
U okviru svojih ovlaštenja predsjednik:

- predsjedava sjednicama CO
- priprema i saziva sjednice CO
- potpisuje opšte akte i odluke CO
- brine o provođenju odluka Skupštine i CO

- ostvaruje saradnju sa poslovođstvom, drugim sindikatima, sindikalnim udruženjima, državnim poslovođnim tijelima i organizacijama, te međunarodnim tijelima i organizacijama
- obavlja i druge poslove u skladu sa Statutom , odlukama Skupštine i CO

član 8

Sekretara bira CO SBHT.

Uokviru svojih ovlaštenja, sekretar:

- izvršava zadatke povjerene od predsjednika ili samostalno radi na provođenju odluka Skupštine i CO
- priprema , organizuje i sudjeluje u izradi materijala za sjednice tijela SBHT
- sarađuje sa predsjednicima OSO , te prati aktivnosti članstva i učlanjivanja u SBHT
- brine o poslovima CO
- brine o finansijsko–materijalnom poslovanju SBHT i o sindikalnoj imovini
- obavlja i druge poslove u skladu sa Statutom i drugim aktima SBHT, te odlukama CO i predsjednika

Za svoj rad sekretar je odgovoran CO i predsjedniku.

član 9

Nadzorni odbor prati i analizira zakonitost rada i poslovanja SBHT u skladu sa Statutom.

Nadzorni odbor broji 3 (tri) člana izabrana na Skupštini.

Predsjednika Nadzornog odbora biraju članovi između sebe.

Nadzorni odbor podnosi izvještaj CO između dvije skupštine, najmanje jednom godišnje, te obavezno uz završni račun.

Nadzorni odbor djeluje u skladu sa Pravilnikom o finansiranju i finansijsko-materijalnom poslovanju.

član 10

Statutarna komisija SBHT broji 3 (tri) člana izabrana na Skupštini.

Predsjednika Statutarne komisije biraju članovi između sebe.

Statutarna komisija :

- daje tumačenje i obrazloženje primjene odredbi Statuta SBHT

- ocjenjuje usklađenost odluka organizacija i tijela SBHT sa odredbama Statuta SBHT
- analizira primjenu Statuta i predlaže Skupštini njegove izmjene, poništenja i dopune
- obavlja i druge poslove u vezi s primjenom odredbi Statuta SBHT
- najmanje jednom godišnje izvještava CO o primjeni odredbi Statuta SBHT
- inicira promjene radi usaglašavanja Statuta sa zakonima i važećim propisima

Za svoj rad Statutarna komisija i njeni članovi odgovorni su Skupštini.

član 11.

Sindikatski odbor SBHT svoj rad ostvaruje i kroz Sekciju žena i Sekciju mladih. Sekcije biraju svoje predsjednike, koji su članovi CO bez prava glasa. Sekcije donose svoje programe rada koje razmatra i usvaja CO.

član 12

Mandat svih tijela SBHT je 4 (četiri) godine sa pravom ponovnog izbora.

Centralni odbor
18.02.2003.g.